



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1442. usque ad annum 1460

Fleury, Claude

August. Vind. [u.a.], 1768

VD18 90118324

§. 50. Eugenius pro vero Pontifice ab Alphonso agnitus

[urn:nbn:de:hbz:466:1-66507](https://nbn-resolving.org/urn:nbn:de:hbz:466:1-66507)

Sæcul. XV.
A. C. 1443.

§. L.

*Eugenius pro vero Pontifice ab
Alphonso agnitus.*

*Acta Patric.
tom. 13.
Conc. p. 1609*

Ergo palam profitebatur Alphonfus, se quidem in hoc Ecclesiæ statu dubium longo nimis tempore fluctuasse, tandem vero, Deo inspirante, cognovisse, Eugenium solum esse verum Romanum Pontificem, certumque Christi Vicarium, eique ab omnibus obediendum; quapropter se omnia edicta, atque a se gesta contra Eugenium pro Felice, & Basileensi Concilio nulla, atque irrita declarare, licereque omnibus suis subditis curiam Romanam adire. Hoc edicto promulgato Eugenius paulopost Alphonsum ab omnibus censuris antea incurjis absolvit, omnesque, qui prius Basileensibus adhærebant, aut Regi usque ad primam Julii diem, & sequens bimestre anni currentis contra decreta Apostolica favebant, pristinis honorum, & dignitatum gradibus restituit, ac quocunque modo ob antea acta vexari prohibuit, nullatenus tamen hujus gratiæ participes fieri, atque comprehendi voluit Cardinales ab Amadæo creatos, quibus, ut agebat, alio modo provideretur, si Papæ clementiam promererentur, atque erroris sui veniam submitte postularent.

§. LI.